

TE TAKUTAONUGA A TE EKALESIA KELISIANO TUVALU

Au e talitonu ki te Atua e Tokotasi. Ko te Atua Tolu Tasi Tapu: ko te Tamana, te Tama mo te Agaga Tapu. E tasi kae ne fakaasi mai i auala e tolu. Tela e tapuaki ki ei te kau Kelisiano katoa.

Au e talitonu ki te Atua te Tamana, tela ne faite ne la a mea katoa i te lagi mo te lalolagi, tela ne liutino tagata mai ia Iesu Keliso; tela ko la ko te pogai o te 'lei mo te tonu katoatoa.

Au e talitonu ki a Iesu Keliso, ko te Afutasi a te Atua, tela ko te Atua e iloa, ko tou Fakaola e tokotasi. Tela ko te fakataunuga o valoaga a Pelofeta. Ne fanau mai ia Malia te Taupou. Ne liutino tagata. Ne puapuagatia i te pule a Ponotio Pilato. Ne fakasataulogina, ne mate, ne tuku ki te tanuga. Ne Toetu mai i te tolu o aso. Ne fanake ki te lagi mai kona ka toe vau a la o fakamasino a tino katoa, tino ola mo tino 'mate.

Au e talitonu ki te Agaga Tapu, ko te Atua e iloa, ko 'tou fakatapuga, ko te Sui o Iesu, tela ne oko mai i te Aso Penitekoso, Tela ko 'tou Fesoasoani i aso katoa.

Au e talitonu ki te Ekalesia Tapu e Tasi, tela e aofia i ei a fenua katoa, ko te Ekalesia faka-Apositolo, mo te Mafutaga a te Kau Tapu. Au e talitonu ki te Malo e Tasi o te Atua, te Papatisoga e Tasi, te 'Kaiga Tapu e Tasi, te Tusi Tapu e Tasi ko te Muna a te Atua; te Fakamagaloga o agasala, mo te toe Ola mai faka-te- Agaga; mo te Ola e se gata mai. AMENE.

KO MEA TAUA I TAKUTAONUGA

Konei a mea taua i loto i te Takutonuga o te Ekalesia Kelisiano Tuvalu kola 'tau ke iloa ne tatou

- (1) Ko te Tolu Tasi Tapu:
- (2) Te Atua te Tamana
- (3) Te Atua te Tama - Iesu
- (4) Te Atua te Agaga Tapu
- (5) Te Ekalesia (Tasi, Tapu, Saukatoa, Apositolo)
- (6) Te Malo o te Atua
- (7) Sakalameta - Papatisoga mo te 'Kaiga a te Aliko
- (8) Te Tusi Tapu - Te Muna a te Atua
- (9) Te Fakamagaloga o agasala
- (10) Te Toetu faka-te-agaga
- (11) Te Ola se gata mai
- (12) Te Fakamasinoga

Kona a mea taua e fakavae ki ei a te talitonuga io me koe fakatuanaki o te Ekalesia Kelisiano Tuvalu kae kola foki e tasi ei mo Ekalesia Kelisiano katoa i te lalolagi.

E tasi o mea taua foki e tau ke iloa ne tatou me i te Tusi Tapu ko te Muna a te Atua tela e fakatonutonu ki ei a te fakatuanaki mo talitonuga faka-Kelisiano. E seai aka foki ne tusi a nisi tino e pela mo tusi ne tino kola ne fakatu ne latou a talitonuga fou konei e fakatonutonu ki ei a te fakatuanaki na ko te Tusi Tapu tela ko te Muna a te Atua. Ko te Muna a te Atua tena tela e aofia katoa i ei a mea kona e tusi atu mai luga.

E taua ke tauloto ne tatou a te Takutonuga o te Ekalesia kae ke akoako foki ki tou fanau ke iloa ne latou kae ke tupu ake mo latou.

TE TAKUTONUGA FAKA-APOSITOLO

E TALITONU AU KI TE ATUA TE TAMANA, TELA E O IA TE MALOSI KATOATO, TELA NE FAITE NE IA TE LAGI MO TE LALOLAGI

E TALITONU AU KI A IESU KELISO, KO TENA TAMA E TOKOTASI, KO TOU ALIKI, TELA NE FAKATUPU NE TE AGAGA TAPU, NE FANAU MAI A IA I A MALIA TE TAUPOU, NE PUAPUAGATIA I TE PULE A PONOTIO PILATO, NE FAKASATAULOGINA, NE MATE NE TANU, NE OKO KI SEOLI; KO TE TOLU O ASO NE TOETU MAI EI MAI TINO MATE, NE FANAKE KI TE LAGI, KO NOFO A IA I TE FEITU FAKAATAMAI; KA VAU A IA MAI KONA O FAKAMASINO A TINO OLA MO TINO MATE.

E TALITONU AU KI TE AGAGA TAPU; MO TE EKALESTIA TAPU E AOFIA EI FENUA KATO; MO TE MAFUTAGA A TE KAU TAPU, MO TE FAKAMAGALOGA O AGASALA; MO TE TOE OLA MAI O TE FOITINO O TE TAGATA, MO TE OLA E SE GATA MAI.